

35  
1. maí

þeirra framkvæmda var ætlað, en þær að öðrum kosti látnar sitja í fyrir-  
rúmi á árinu 1948.

XXXVIII. Að taka allt að 25 millj. króna lán til þess að ljúka framkvæmdum, sem fé er veitt til í fjárlögum, ef tekjur hrökkva ekki fyrir gjöldum, en vinnu-  
afl nægilegt atvinnuvegunum að skaðlausu.

23. gr.

Ef lög verða staðfest, er afgreidd hafa verið frá Alþingi 1946 og hafa í för með  
sér tekjur eða gjöld fyrir ríkissjóð, breytast fjárhæðirnar tekju- og gjaldamegin  
samkvæmt þeim lögum.

Allar þær fjárveitingar, sem eigi eru ákveðnar í lögum, öðrum en fjárlögum,  
tilskipunum, forsetaúrskurðum eða öðrum gildandi ákvörðunum, gilda aðeins  
fyrir fjárhagstímabilið.

*Gjört í Reykjavík, 1. maí 1947.*

Stefán Jóh. Stefánsson.

Jón Pálmason.

Jón Ásbjörnsson.

(L. S.)

*Jóhann Þ. Jósefsson.*

36  
1. maí

## L Ö G

um breyting á raforkulögum, nr. 12 2. apríl 1946.

### HANDHAFAR VALDS FORSETA ÍSLANDS

samkvæmt 8. gr. stjórnarskrárinnar,

forsætisráðherra, forseti sameinaðs Alþingis og forseti hæstaréttar,

*gjöra kunnugt:* Alþingi hefur fallizt á lög þessi og yér staðfest þau með samþykki  
voru:

1. gr.

Í stað orðanna „til fjögurra ára“ í 50. gr. laganna kemur: til fjögurra al-  
manaksára.

2. gr.

55. gr. laganna orðist svo:

Ráðherra getur sett raforkuráði ákveðinn frest til afgreiðslu mála, sem því eru  
send til umsagnar. Hann getur í reglugerð, að fengnum tillögum raforkuráðs og  
umsögn raforkumálastjóra, sett nánari ákvæði um starfshætti og verksvið þess.

3. gr.

Lög þessi öðlast þegar gildi.

#### Bráðabirgðaákvæði.

Umboð raforkuráðs þess, er kosið var 29. apríl 1946, fellur niður 31. desem-  
ber 1949.

*Gjört í Reykjavík, 1. maí 1947.*

Stefán Jóh. Stefánsson.

Jón Pálmason.

Jón Ásbjörnsson.

(L. S.)

*Bjarni Ásgeirsson.*